

LDS nepli bezwen State House

**Lanmans
pwalon
in
fini so**

LDS in fini aksepte ki Lzot pa konnen lekel ki pou ganny eleksyon an 2020 akoz siporter pe kit zot par grap e zot stratezi pa pe marse. Me zot pe bat latet zot aktivis kot konvansyon ki zot pe al State House. Bann politisyen in fini ganny ase dan politik akoz zot in fini ganny sa ki zot ti pe rode.

Preski 2an ki zot dan Lasanble zot in get zis zot lekor, zot dalon, e pa'n fer nanryen pour zot siporter e Seselwa an zeneral. 2an zot zis pe tir revanz e realiz selman bann promes ki zot in fer avek Seselwa ki aletranze, par egzanp sa tribinallaverite. 2an zot in bloke, 'freeze' e koup larzan lepep. 2an zot zis pe maltrete, imilye, anbarase e akiz dimoun malapropo. 2an zot in arogan e ensolan. 2an, zot in

(Kont...p2)

(Kont...p1)

zis donn en lenpresyon ki zot serye e anvi travay me an realite zot pa enterese.

Sa ki kler ki LDS in fer depi ki Seselwa in elekte zot dan Lasanble se lager antre zot akoz zot annan diferan azanda. Lider Lopoziyon ki konnen ki pour prosen eleksyon i napa sipor Lalyans Seselwa, i'n met pare opsyon b. Aktivis nek pe anval labwet pouri LDS. Sak fwa ki lanmans pwalon i so, zot ganny anbete ki lopoziyon pe al ganny eleksyon.

Sa pret pli ris dan Sesel pa bezwen State House ek saler

Prezidan. Sa bann dimoun ki zot ti elekte an 2016 in fini ganny ase. Zot in byen ganyen lo lasyer Seselwa. Wavel par egzantp, i kolekte pa mwens ki 80 mil rroupi par mwan, ki enkli lezot benefis. I ganny en gro bidze pour son lofis, drayver ek bodigard. I ganny en gratite 119 mil rroupi par an, e i pou ganny en pansyon 1.6 milyon rroupi apre 5an. I pa bezwen State House. I pa bezwen pran traka Seselwa. I pa pou drol si i rod ankor larzan pour li ek son bann koleg avan zot 5an i konplete. Sa ki i ti oule,

Seselwa in donn li an Septanm 2016- son pansyon. Aze 57 an, Wavel Ramkalawan in fini pare pour pran son retret dan politik.

Zot in kree en bann retar e dezord e zot pou disparet e kit tousala ek Parti Lepep pour met an ord parey zot abitye fer. Pour LDS, Parti Lepep ek Seselwa se en bann yonyon tandis ki zot, zot en bann malen boug. En zour ki apel en zour, sa bann politisyen lopoziyon pou ganny zize pour gaspiy letan e retard progre sa pei ek sa pep.

Nepli annan faver pour malere

Depi ki LDS in ganny kontrol Lasanble, nepli annan faver pour malere. Kan nou bann dirizan oswa departman gouvèrnman ti asiste Seselwa ek zot fanmir, zot pa ti triy pikan. Ozordi ek sa klima kot LDS pe 'freeze', bloke, koupe, fer fermen, nepli annan okenn faver pour ofer personn. Tou dimoun pe pas dan menm laney, ki ou en risar, oswa mwen fortune, LDS pa oule ki nou triye. Parey zot

dir dan Lasanble, "letan faver in fini."

La dernyen, LDS i annan en problem ek lon ki gouvèrnman i pret Seselwa sirtou bann dan domenn pti e mwayen biznes. La zot oule fer nou krwar ki zis siporter Parti Lepep ki ganny lon, kan sa ler tou Seselwa ki zwenn kriter i ganny lon. E sa ki malere dan sa sitiasyon se ki en bon nonm Seselwa i rankontre difikilte pour revey sa lon ki donn en lo en to lenterere vremen

ba konpare ek bann labank, e SBFA pa zis pran aksyon legal kont sa bann dimoun me esey fer laranzman ki konvenab pour tou le de parti. La LDS in war ki fodre fer lodit e konnen lekel ki pa pe revey zot lon.

Ki Seselwa in fer LDS? Akoz LDS pa kontan Seselwa? Gran mersi Seselwa ki zot annan en gro tit onorab, gro saler, ek privelez. Me i tre domaz ki zot pa tro onorab anver Seselwa ki'n vot pour met zot la.